

景帝紀第五

漢書五

漢 護 軍 班 固 撰

唐議奏行秘書監張鷟國子顏

師古 集註

孝景皇帝

荀悅曰諱啓之字曰開應劭曰禮謚法布義行剛曰景

文帝太子

也母曰竇皇后後七年六月文帝崩丁未

太子即皇帝位尊皇太后薄氏曰太皇太

后皇后曰皇太后九月有星孛于西方

元年冬十月詔曰蓋聞古者祖有功而宗



有德

應劭曰始取天下者為祖高帝稱高祖是也始治天下者為宗文帝稱太宗是也師古曰應說非也祖始也始受命也宗尊也有德可尊。劉歆曰顏說非也始受命者稱太祖耳有功者亦稱祖商祖甲是也

制禮樂各有由歌者所以發德也舞者所

以明功也高廟酎

張晏曰正月旦作酒八月成名曰酎三重釀醇酒也味厚故以薦宗廟酎音直救反

武德文始五行之舞

孟康曰武德高祖所作也文始舜舞也五行周舞也

武德者其舞人執干戚文始舞執羽籥

文始五行之舞孝文皇帝臨天下通關梁

孝惠廟酎奏

不異遠方

張晏曰孝文十一年除關不用傳令遠近若一

除誹謗去肉

刑賞賜長老收恤孤獨以遂羣生

師古曰遂成也達也

減耆欲不受獻

師古曰耆讀曰嗜

罪人不帑

蘇林曰刑不及妻子

美人重絕人之世也朕既不敏弗能勝識

此皆上世之所不及而孝文

皇帝親行之

澤施四海

靡不獲福明象乎日月

師古曰敏材智速疾也勝識盡知之



而廟樂不稱朕甚懼焉師古曰稱副也音尺孕反其為孝

文皇帝廟為昭德之舞師古曰昭明也以明休德師古

曰休美也然後祖宗之功德施于萬世永永無

窮朕甚嘉之其與丞相列侯中二千石禮

官具禮儀奏丞相臣嘉等奏曰師古曰陛下

永思孝道立昭德之舞以明孝文皇帝之

盛德皆臣嘉等愚所不及臣謹議世功莫

大於高皇帝德莫盛於孝文皇帝高皇帝

皇帝

廟宜為帝者太祖之廟孝文皇帝廟宜為

帝者太宗之廟天子宜世世獻祖宗之廟

郡國諸侯宜各為孝文皇帝立太宗之廟

諸侯王列侯使者侍祠天子所獻祖宗之

廟張晏曰王及列侯歲時遣使詣京師侍祠助祭如

淳曰若光武廟在章陵南陽太守稱使者往祭是

也不使侯王祭者諸侯不得祖天子凡臨祭宗廟皆為

侍祭師古曰張說是也既云天子所獻祖宗之廟非謂請宣布天下制曰可春正月詔曰間

者歲比不登民多乏食天絕天年朕甚痛



之郡國或磽陿無所農桑數畜

師古曰磽謂磽塽瘠薄也

陿謂偏隘也數謂食養之畜謂收放也磽音苦交反陿音狹數古繫字

或地饒廣薦

草莽水泉利而不得徙

如淳曰莊周云麋鹿食曰莽。劉放曰註麋鹿食曰薦衍一曰字

其議民欲徙寬大地者聽

之夏四月赦天下賜民爵一級遣御史大

夫青翟至代下與匈奴和親

文穎曰姓嚴諱青翟臣瓚曰此陶青

也莊青翟乃自武帝時人此紀誤師古曰後

人傳習不曉妄增翟字耳非本作紀之誤

五月令

田半租秋七月詔曰吏受所監臨以飲食

景帝

免重受財物賤買貴賣論輕

師古曰帝以為當時律條吏受所監

臨賂遺飲食即坐免官爵於法太重而受所監臨財物及賤買貴賣者論決太輕故令更議改之

廷尉

與丞相更議著令

蘇林曰著音著幘之著師古曰蘇音非也著音著作之著音竹

筋廷尉信謹與丞相議曰

師古曰丞

吏及諸

有秩受其官屬所監所治所行所將

師古曰行謂按

察也音下更反

其與飲食計償費勿論

師古曰計其所費而償其直勿論罪

也它物若買故賤賣故貴皆坐臧為盜沒

入臧縣官

師古曰它物謂非飲食者

吏遷徙免罷受其故



官屬所將監治送財物奪爵為士伍免之

李奇曰有爵者奪之使為士伍有位者免官也師古曰此說非也謂奪其爵令為士伍又免其官職即今律所謂除名也謂之士伍者言從士卒之伍也無爵罰金二斤令没入所

受有能捕告異其所受臧師古曰異與也以所受之臧與捕告者也

界音必 練反

二年冬十二月有星孛于西南令天下男

子年二十始傅師古曰舊法二十三今此二十更為異制也傅讀曰附解在高紀

春三月立皇子德為河間王闕為臨江王

景帝

師古曰闕音一曷反餘為淮陽王非為汝南王彭祖為

廣川王發為長沙王夏四月壬午太皇太

后崩服虔曰文帝母薄太后也六月丞相嘉薨封故相國

蕭何孫係為列侯師古曰係音胡計反秋與匈奴和親

三年冬十二月詔曰襄平侯嘉晉灼曰紀通子也功臣表

襄平侯紀通以父功侯孝景二年康侯相夫嗣推其封薨正與此合豈更名嘉乎子恢說不

孝謀反欲以殺嘉大逆無道晉灼曰恢說言嘉知反情而實不知

也師古曰此解非也恢說有私怨於其父而自謀反欲令其父坐死也說讀曰悅其赦嘉為

六曰八十五

前漢紀五

景帝

五



襄平侯及妻子當坐者復故爵

如淳曰律大逆不道父母

妻子同產皆棄市今赦其餘子不與恢說謀者復其故爵

論恢說及妻子如

法春正月淮陽王宮正殿灾吳王濞膠西

王卬楚王戊趙王遂濟南王辟光

師古曰辟音璧又音

闢其義

兩通 菑川王賢膠東王雄渠皆舉兵反大

赦天下遣太尉亞夫

師古曰周亞夫

大將軍竇嬰將

兵擊之斬御史大夫晁錯以謝七國

晉灼曰錯音錯

置之錯師古曰晁古朝字

二月壬子晦日有蝕之諸將破

景帝

七國斬首十餘萬級追斬吳王濞於丹徒

膠西王卬楚王戊趙王遂濟南王辟光菑

川王賢膠東王雄渠皆自殺夏六月詔曰

廼者吳王濞等為逆起兵相脅誣誤吏民

吏民不得已

師古曰已止也言不得已止而從之非本心也

今濞等已

滅吏民當坐濞等及逋逃亡軍者皆赦之

楚元王子藝等與濞等為逆

師古曰藝音藝

朕不忍

加法除其籍毋令汙宗室立平陸侯劉禮



為楚王續元王後

孟康曰禮元王子也

立皇子端為膠

西王勝為中山王賜民爵一級

四年春復置諸關用傳出入

應劭曰文帝十二年除關無用傳至

此復用傳以七國新反備非常

夏四月己巳立皇子榮為皇太

子徹為膠東王六月赦天下賜民爵一級

秋七月臨江王闕薨十月戊戌晦日有蝕

之

○劉放曰此年記事十月在年終誤

五年春正月作陽陵邑

張晏曰景帝作壽陵起邑

夏募民

景帝

徙陽陵賜錢二十萬遣公主嫁匈奴單于  
六年冬十二月雷霖雨秋九月皇后薄氏  
廢

七年冬十一月庚寅晦日有蝕之春正月  
廢皇太子榮為臨江王二月罷太尉官夏  
四月乙巳立皇后王氏丁巳立膠東王徹  
為皇太子賜民為父後者爵一級  
中元年夏四月赦天下賜民爵一級封故

大元

卷五

七

七



御史大夫周苛周昌孫子為列侯

師古曰封苛之孫及

昌之子也苛昌皆嘗為御史大夫而從昆弟也故摠言之

二年春二月令諸侯王薨列侯初封及之

國大鴻臚奏謚誅策

應劭曰皇帝延諸侯王賓王諸侯皆屬大鴻臚故其

薨奏其行迹賜與謚及哀策誅文也臣瓚曰景帝此年已置大鴻臚而百官表云武帝太初元年更以大行為

大鴻臚與此錯師古曰誅者述累德行之文音力水反

列侯薨及諸侯太傅

初除之官大行奏謚誅策

如淳曰凡言除者除故官就新官也晉灼

曰禮有大行人小行人主謚官故以此名之臣瓚曰大行是官名掌九儀之制以賓諸侯者師古曰大鴻臚者

景帝

本名典客後改曰大鴻臚大行令者本名行人即典客

之屬官也後改曰大行令故事之尊重者遣大鴻臚而

輕賤者遣大行也據此紀文則景帝已改典客為大鴻

臚改行人為大行矣而百官公卿表乃云景帝中六年

更名典客為大行令武帝太初元年更名大行令為大

鴻臚更名行人為大行令當是表誤。劉敞曰史記文

景事最略漢書則頗有所錄蓋班氏博采他書成之故

於景帝世謂典客為大鴻臚行人為大行由它書即武

帝時官記景帝世事班氏失於改革耳然則改諸官名

在武帝世無疑非表誤也顏氏所疑下文光祿大夫亦

景帝所改乎。劉敞曰按景十三王傳河間獻王薨猶

云大行令奏謚則非表誤也但官名改易未定故史於

此追舉最後官名耳武帝初

大行王恢李息即大行令也

王薨遣光祿大夫弔

後祠贈

應劭曰衣服曰祿祠飲食也車馬

視喪事



因立嗣子列侯薨遣太中大夫弔祠視喪

事因立嗣其薨葬國得發民輓喪穿復土

治墳無過三百人畢事師古曰輓謂引車也畢事畢葬事也輓音晚

匈奴入燕改磔曰棄市應劭曰先謂諸死刑皆磔於市今改曰棄市自非妖逆不復磔也師古曰磔謂張其尸也棄市殺之於市也謂之棄市者取刑人於市與眾棄之也磔音竹客

反勿復磔三月臨江王榮坐侵太宗廟地

徵詣中尉自殺夏四月有星孛于西北立

皇子越為廣川王寄為膠東王秋七月更

郡守為太守郡尉為都尉師古曰更謂改其號九月封

故楚趙傅相內史前死事者四人子文穎曰楚相張尚太傅趙夷吾趙相建德內史王惲此四人各諫其王無使反不聽皆殺之故封其子皆為列

侯甲戌晦日有蝕之

三年冬十一月罷諸侯御史大夫官師古曰所以抑

損其權文穎曰景帝母竇太后春正月皇太后崩以帝崩後六年廼二凡

孟康曰此太后崩史記無也臣瓚曰王赫云景帝薄后以此年死疑是也當言廢后而言太后誤也師古曰孟詵是也廢后死不書又不言崩瓚解為謬

夏

夏

夏

夏

夏

夏



旱禁酤酒

師古曰酤謂賣酒也音工護反

秋九月蝗有星孛

于西北戊戌晦日有蝕之立皇子乘為清

河王

四年春三月起德陽宮

臣瓚曰是景帝廟也帝自作之諱不言廟故言

宮西京故事云景帝廟為德陽

御史大夫縮奏禁馬高五尺

九寸以上齒未平不得出關

服虔曰縮衛縮也馬十歲齒下平

夏蝗秋赦徒作陽陵者死罪欲腐者許之

蘇林曰宮刑其創腐臭故曰腐也如淳曰腐宮刑也丈夫割勢不能復生子如腐木不生實師古曰如說是腐

景帝

音輔十月戊午日有蝕之

○劉放曰此年記事十月在年終亦誤

五年夏立皇子舜為常山王六月赦天下

賜民爵一級秋八月己酉未央宮東闕灾

更名諸侯丞相為相

師古曰亦所以抑黜之令異於漢朝

九月詔

曰法令度量所以禁暴止邪也獄人之大

命死者不可復生吏或不奉法令以貨賂

為市朋黨比周

師古曰比音頻寐反

以苛為察以刻為

明令亡罪者失職朕甚憐之

師古曰職常也失其常理也



有罪者不伏罪茲法為暴甚亡謂也諸獄  
疑若雖文致於法而於人心不厭者輒讞

之師古曰厭服也音一贍反讞平議也音魚列反

六年冬十月行幸雍郊五時十二月改諸

官名定鑄錢偽黃金棄市律應劭曰文帝五年聽民放鑄律

尚未除先時多作偽金偽金終不可成而徒損費轉相  
誑耀窮則起為盜賊故定其律也孟康曰民先時多作  
偽金故其語曰金可作世可度費損其多而終不成  
民亦稍知其意犯者希因此定律也師古曰應說是

春三月雨雪師古曰雨音于具反夏四月梁王薨分梁為

京帝

五國立孝王子五人皆為王五月詔曰夫

吏者民之師也車駕衣服宜稱師古曰稱其官也音尺孕

反吏六百石以上皆長吏也張晏曰長大也六百石位大夫亡

度者或不吏服出入閭里與民亡異令長

吏二千石車朱兩轡應劭曰車耳反出所以為之藩屏翳塵泥也二千石

雙朱其次乃偏其左輓以簞為之或用革如淳曰轡音  
反小車兩屏也師古曰據許慎李登說轡車之蔽也左  
氏傳云以藩載樂盈即是有鄣蔽之車也言千石至  
車耳反出非矣轡音甫元反輓音方遠反

六百石朱左轡車騎從者不稱其官衣服



下吏出入閭巷亡吏體者二千石上其官

屬三輔舉不如法令者應劭曰京兆尹左馮翊右扶風共治長安城中

是為三輔師古曰時未有京兆馮翊扶風之名此三輔者謂主爵中尉及左右內史也應說失之。劉放曰此文參錯不序又曰武帝時改主爵中尉為右扶風主爵中尉初不治民也自武帝以并治民者惟左右內史此時亦未有三輔

此紀文誤耳皆上丞相御史請之是吏多

軍功車服尚輕故為設禁又惟酷吏奉憲

失中廼詔有司減笞法定箠令語在刑法

志師古曰箠音止藥反六月匈奴入鴈門至武泉入上

景帝

郡取苑馬如淳曰漢儀註太僕牧師諸苑三十六所分布北邊西邊以郎為苑監官奴婢三萬人養馬三十萬疋師古曰武泉雲中之縣也養鳥獸者通名為苑故謂牧馬處為苑吏卒戰死

者二千入秋七月辛亥晦日有蝕之

後元年春正月詔曰獄重事也人有智愚

官有上下獄疑者讞有司有司所不能決

移廷尉有令讞而後不當讞者不為失師古

曰假令讞訖其理不當所讞之人不為罪失欲令治獄者務先寬三

月赦天下賜民爵一級中二千石諸侯相

大...



爵右庶長如淳曰雖有尊官未必有高爵故數夏

大酺五日民得酤酒五月地震秋七月乙

巳晦日有蝕之條侯周亞夫下獄死

二年冬十月省徹侯之國晉灼曰文紀遣列侯之國今省之師古曰

省音所領反春匈奴入鴈門太守馮敬與戰死發

車騎材官屯師古曰屯鴈門春以歲不登禁內郡食

馬粟沒入之師古曰食讀曰飢沒入者沒入其馬夏四月詔曰

雕文刻鏤傷農事者也錦繡纂組害女紅

景帝

者也應劭曰纂今五采屬絳是也組者今綴紛條是也臣瓚曰許慎云纂赤組也師古曰瓚說具也

絳會也會五絳者今謂之錯絳非纂也紅讀曰功絳音子內反條音它牢反農事傷則

飢之本也女紅害則寒之原也夫飢寒並

至而能亡為非者寡矣朕親耕后親桑以

奉宗廟粢盛祭服為天下先不受獻減太

官省繇賦師古曰省音所領反繇讀曰徭欲天下務農蠶素

有畜積以備災害師古曰畜讀曰蓄彊毋攘弱衆毋

暴寡師古曰攘取也音人羊反老者以壽終幼孤得遂長



師古曰遂成也今歲或不登民食頗實其咎安在或

詐偽為吏張晏曰以詐偽人為吏也臣瓚曰律所謂矯枉以為為吏者也師古曰二說並非也直

謂詐自稱吏耳吏以貨賂為市漁奪百姓侵牟萬民

李奇曰牟食苗根蟲也侵牟食民比之蚌賊也師古曰漁言若漁獵之為也縣丞長吏也

奸法與盜盜甚無謂也李斐曰奸法因法作奸也文穎曰與盜謂盜者

當治而知情反佐與之是則共盜無異也師古曰與盜盜者共盜為盜耳其令二千石

各脩其職不事官職耗亂者丞相以聞請

其罪師古曰耗不明也讀與耗同音莫報反布告天下使明知朕

景帝

意五月詔曰人不患其不知患其為詐也

不患其不勇患其為暴也不患其不富患

其亡厭也其唯廉士寡欲易足今此言筭十

以上廼得官服虔曰此言萬錢筭百二十七也應劭曰古者疾吏之貪衣食足知榮辱限

此言十筭廼得為吏十筭十萬也賈人有財不得為吏廉士無此言又不得官故減此言四筭得官矣師古曰此言讀與

皆類此廉士筭不必衆有市籍不得官無此言

又不得官朕甚愍之此言筭四得官亡今廉

士久失職貪夫長利師古曰長利長獲其利秋大旱



三年春正月詔曰農天下之本也黃金珠

玉飢不可食寒不可衣以為幣用不識其

終始師古曰幣者所以通有無易貴賤也閒歲或不登意為末者

眾農民寡也其令郡國務勸農桑益種樹

可得衣食物師古曰樹殖也吏發民若取庸采黃金

珠玉者坐臧為盜韋昭曰發民用其民取庸用其資以顧庸二千石

聽者與同罪皇太子冠賜民為父後者爵

一級甲子帝崩于未央宮臣瓚曰帝年三十二年即位即位十六年壽

皇京帝

四十八遺詔賜諸侯王列侯馬二駟師古曰八匹也吏

二千石黃金二斤吏民戶百錢出宮人歸

其家復終身師古曰復音方目反二月癸酉葬陽陵臣瓚

曰自崩及葬凡十日陽陵在長安東北四十五里

贊曰孔子稱斯民三代之所以直道而行

也師古曰此論語載孔子之辭也言此今時之人亦夏殷周之所馭以政化淳壹故能直道而行傷今不然

信哉周秦之敝罔密文峻而姦軌不勝師古

曰不可勝漢興掃除煩苛與民休息至于孝文



知之以恭儉孝景道業五六十年載之間至於移風易俗黎民醇厚師古曰黎眾也醇厚澆雜周云成康漢言文景美矣

劉敞曰景紀以御史大夫陶青為青翟襄平侯相夫為嘉又言官有大鴻臚光祿大夫又令三輔舉不如令者又載皇太后崩皆其錯誤者不知班氏之謬或後世亡其書有追補之者

右將監本杭本越本及三劉宋祁諸

本參校其有同異並附於古註之下

### 景帝紀第五

正文貳阡伍佰  
註文貳阡

### 武帝紀第六

漢書六

漢 護 軍 班 固 撰

唐議奏行秘書監琅邪縣開國子顏師古集註

### 孝武皇帝

荀悅曰諱徹之字曰通應劭曰禮謚法威彊敵德曰武

景帝中

子也母曰王美人

師古曰外戚傳美人比二千石視少上造

年四歲

立為膠東王七歲為皇太子母為皇后十

六歲後三年正月景帝崩

張晏曰武帝以景帝元年生七歲為

太子也太子十歲而景帝崩時年十六矣師古曰後三年景帝後三年也

甲子太子即



皇帝位尊皇太后竇氏曰太皇太后皇后

曰皇太后二月封皇太后同母弟田蚡勝

皆為列侯

蘇林曰蚡音鼯鼠之鼯師古曰蚡亦鼯鼠字也音扶粉反

建元元年

師古曰自古帝王未有年號始起於此劉攽曰封禪書云其後三年有司言

元宜以天瑞命不宜以一二數推所謂其後三年者蓋盡元狩六年至元鼎三年也然元鼎四年方得寶鼎又無緣先三年而稱之以此而言自元鼎以前之元皆有司所追命其實年號之起在元鼎耳故元封改元則始有詔書矣冬十月詔丞相御史列侯中二千石

二千石諸侯相舉賢良方正直言極諫之

士丞相綰

師古曰衛綰也

奏所舉賢良或治申商韓

非蘇秦張儀之言

應劭曰申不害韓昭侯相也衛公孫鞅為秦孝公相封於商號

商君韓非韓諸公子非名也蘇秦為關東從長張儀為秦昭王相為衛說以抑諸侯李奇曰申不害書執衛商鞅為法賞不失卑刑不諱尊然深刻無恩德韓非兼行申商之術師古曰從音子容反亂國政

請皆罷奏可春二月赦天下賜民爵一級

年八十復二筭九十復甲卒

張晏曰二筭復二口之筭也復甲卒

不豫革車之賦也師古曰復音方目反

行三銖錢

師古曰新環四銖錢造此錢也重如其文

見食貨志夏四月己巳詔曰古之立教鄉里以



齒朝廷以爵扶世導民莫善於德然則於鄉里先耆艾奉高年古之道也師古曰六十曰耆五十曰艾

今天下孝子順孫願自竭盡臣承其親

外迫公事內乏資財是臣孝心闕焉朕甚

哀之民年九十臣上已有受鬻南法師古曰給米粟以為之六反

為復子若孫令得身帥妻妾遂其

供養之事師古曰若者豫及之辭也有子即復子無子即復孫也遂申也復音方日反五

月詔曰河海潤千里其令祠官脩山川之

武帝

祠為歲事

孟康曰為農祈也於此造之歲以為常故曰為歲事也師古曰歲以為常是也揔致

敬耳非止祈農。劉攽曰為音于偽反謂為歲事曲加以禮耳

曲加禮

如淳曰祭禮有所加益

赦吳楚七國帑輸在官者

應劭曰吳楚七國反時其首事者妻子沒

入為官奴婢武帝哀焉皆赦遣之也師古曰帑讀與孥同

秋七月詔曰衛士轉

置送迎二萬人

鄭氏曰去故置新常二萬人

其省萬人罷

苑馬臣賜貧民

師古曰養馬之苑舊禁百姓不得芻牧采樵今罷之

議立

明堂遣使者安車蒲輪束帛加璧徵魯申

公

師古曰以蒲裹輪取其安也



二年冬十月御史大夫趙綰坐請毋奏事

太皇太后及郎中令王臧皆下獄自殺應劭

曰禮婦人不豫政事時帝已自躬省萬機王臧儒者欲立明堂辟雍太后素好黃老術非薄五經因欲絕奏事

太后太后怒故殺之丞相嬰太尉蚡免師古曰實春二月

丙戌朔日有蝕之夏四月戊申有如日夜

出初置茂陵邑應劭曰武帝自作陵也師古曰本槐里縣之茂鄉故曰茂陵

三年春河水溢于平原大飢人相食師古曰河溢之處損害田畝故大飢賜徙茂陵者戶錢二十萬田二頃

武帝

初作便門橋蘇林曰去長安四十里服虔曰在長安西北茂陵東師古曰便門長安城北

此西頭門即平門也古者平便皆同字於此道作橋跨渡渭水以趨茂陵其道易直即今所謂便橋是其處也便讀如本字秋七月有星孛于西北濟川王明坐

殺太傅中傅廢遷防陵應劭曰中傅官者也師古曰防陵漢中縣也今

謂之閩越圍東甌應劭曰高祖五年立無諸為閩越王惠帝立搖為東海王都東甌故號東甌師古

曰甌音一侯反東甌告急遣中大夫嚴助持

節發會稽兵浮海救之未至閩越走兵還

九月丙子晦日有蝕之



四年夏有風赤如血六月旱秋九月有星  
孛于東北

五年春罷三銖錢行半兩錢師古曰又新鑄作也置五

經博士夏四月平原君薨服虔曰王皇后之母武帝外祖母五

月大蝗秋八月廣川王越清河王乘皆薨

六年春二月乙未遼東高廟災夏四月壬

子高園便殿火師古曰凡言便殿便室便坐者皆非正大之處所以就便安也園者

於陵上作之既有正寢以象平生正殿又立便殿為休息閑宴之處耳說者不曉其意乃解云便殿便室皆是

武帝

正名斯大惑矣尋石建韋玄成孔光等傳其義可知便讀如本字上素服五日五

月丁亥太皇太后崩秋八月有星孛于東

方長竟天閩越王郢攻南越遣大行王恢

將兵出豫章大司農韓安國出會稽擊之

未至越人殺郢降兵還

元光元年臣瓚曰以長星見故為元光冬十一月初令郡

國舉孝廉各一人師古曰孝謂善事父母者廉謂清潔有廉隅者衛尉

李廣為驍騎將軍屯雲中中尉程不識為

李廣



車騎將軍屯鴈門六月罷夏四月赦天下

賜民長子爵一級復七國宗室前絕屬者

師古曰此等宗室前坐七國反故絕屬今加恩赦之更令上屬籍於宗正也復音扶目反五月詔

賢良曰朕聞昔在唐虞畫象而民不犯

曰二帝但畫衣冠異章服而民不敢犯也師古曰白虎通云畫象者其衣服象五刑也犯墨者蒙巾犯劓者以

赭著其衣犯髡者以墨蒙其鬢象而畫之犯宮者罪犯大辟者布衣無領墨謂以墨點其面也劓截其鼻也髡

去膝蓋骨也宮割其陰也罪草履也劓音牛異反日

月所燭莫不率俾師古曰燭照也率循也俾使也言皆循其真職而可使也周

武帝

之成康刑錯不用師古曰錯置也音千故反德及鳥獸

通四海海外肅脊晉灼曰東夷傳今挹婁地是也

濱師古曰周書序云成王既伐東夷肅脊來賀即謂此北發渠搜服虔曰地名也應劭

曰禹貢析支渠搜屬雍州在金城向關之西西戎也晉灼曰王恢傳北發月支可得而臣似國名也地理志朔

方有渠搜縣臣瓚曰孔子三朝記云北發渠搜南撫交趾此舉北以南為對也禹貢渠搜在雍州西此渠搜在

朔方師古曰北發非國名也言北方氏羌徠服師

即可徵發渠搜而役屬之瓚說近是氏羌徠服師古曰徠古往來之字也氏音丁奚反星辰不守日月不蝕山陵不

崩川谷不塞麟鳳在郊藪河洛出圖書鳴



虐何施而臻此與師古曰虐讀曰呼嗚呼歎辭也臻至也今朕獲

奉宗廟夙興且求夜寐師古曰夙興早起也夜寐夜久方寐臣思

也若涉淵水未知所濟猗與猗與師古曰倚美也偉大

也與辭也言美而且大也與讀曰歎音弋於反何行而可良章先帝之

洪業休德師古曰章明也洪大也休美也上參堯舜下配三

王師古曰三王夏殷周朕之不敏不能遠德師古曰言德不及遠

也此子大夫之所睹聞也師古曰子者人之嘉稱大夫舉官稱

也志在優賢故謂之子大夫也睹古覩字賢良明於古今王事

之體受策察問咸且書對著之于篇師古曰篇謂竹簡也

朕親覽焉於是董仲舒公孫弘等出

焉秋七月癸未日有蝕之

二年冬十月行幸雍祠五時師古曰五帝之時也春詔

問公卿曰朕飾子女臣配單于金幣文繡

賂之甚厚單于待命加嫚侵盜亡已師古曰待命謂承詔命也

邊境被害朕甚閔之今欲舉兵攻

之何如大行王恢建議宜擊夏六月御史



大夫韓安國為護軍將軍衛尉李廣為驍  
騎將軍太僕公孫賀為輕車將軍大行王  
恢為將屯將軍太中大夫李息為材官將  
軍將三十萬眾屯馬邑谷中誘致單于欲  
襲擊之單于入塞覺之走出六月軍罷將  
軍王恢坐首謀不進下獄死師古曰首為此謀而反不進擊匈奴

輜重秋九月令民大酺五日

三年春河水徙從頓丘東南流入勃海師古

武帝

曰頓丘立名因以為縣本衛地也地理志屬東郡今則在魏州界焉夏五月封高祖

功臣五人後為列侯河水決濮陽汜郡十六

師古曰濮陽東郡之縣也水所記及凡十六郡界也記音敷劍反發卒十萬救決

河起龍淵宮服虔曰宮在長安西作銅飛龍故以冠名也如淳曰三輔黃圖云有龍淵

宮今長安城西有其處溝洫志救河決亦起龍淵宮於其傍孟康曰在西平界其水可用碎刀劍特堅利古龍淵之劍取於此水師古曰黃圖云龍淵廟在茂陵東不言宮也此言救使河起龍淵宮即宮不在長安之西矣

及漢章帝賜尚書韓稜龍淵劍孟說是也碎音千內反

劉攽曰予謂救決河起龍淵宮各自一事非救河且起宮也顏疑當云龍淵廟按景帝紀起德陽廟亦云德

陽宮寧可復謂非德陽廟乎此龍淵宮應如黃圖所說是



四年冬魏其侯竇嬰有罪棄市師古曰以春三月乙卯丞相蚡薨夏四月隕霜殺草五月地震赦天下

五年春正月河間王德薨夏發巴蜀治南

夷道又發卒萬人治鴈門阻險師古曰所以為固用止匈奴之寇○劉放曰子謂治阻險者通道令平易以便伐匈奴耳

秋七月大風拔木

乙巳皇后陳氏廢捕為巫蠱者皆梟首八

月螟師古曰食苗心之蠱也音莫經反徵吏民有明當世之

武帝

務習先聖之術者縣次續食會與計偕師古

口計者上計簿使也郡國每歲遣詣京師上之偕者俱也令所徵之人與上計者俱來而縣次給之食後世訛誤因承此語遂摠謂上計為計偕闕駟不詳妄為解說云秦漢謂諸侯朝使曰計偕偕次也晉代有計偕簿又改偕為階失之彌遠致誤後學

六年冬初筭商車李奇曰始稅商賈車船令出筭春穿漕渠

通渭如淳曰水轉運曰漕師古曰音才到反匈奴入上谷殺略吏

民遣車騎將軍衛青出上谷騎將軍公孫

敖出代輕車將軍公孫賀出雲中驍騎將



軍李廣出鴈門青至龍城

應劭曰匈奴單于祭天大會諸國名其處

為龍城

獲首虜七百級廣教失師而還詔曰夷

狄無義所從來久間者匈奴數寇邊境故

遣將撫師古者治兵振旅因遭虜之方入

將吏新會上下未輯

晉灼曰入猶還也不得已而用兵言師不踰時也入

或作人因其習俗土地之宜而教革之也師古曰言說非也詔言古者出則治兵入則振旅素練其衆不虧戎

律今之出師因遭寇虜方入為害而將吏新會上下未和故校尉棄軍而奔北也輯與集同

代郡

將軍教鴈門將軍廣所任不肖

師古曰肖似也不肖者言

武帝

無所象類謂不材之人也

校尉又背義妄行棄軍而北少

吏犯禁

文穎曰少吏小吏也

用兵之法不勤不教將率

之過也教令宣明不能盡力士卒之罪也

將軍已下廷尉使理正之

師古曰下謂以身付廷尉也理法也言以

法律處正其罪下音胡稼反他皆類此

而又加法於士卒二者並

行非仁聖之心朕閱衆庶陷害欲刷恥改

行師古曰剔除也音所劣反

復奉正義厥路亡繇

師古曰一陷重刑無

因復從正道也繇讀與由同

其赦鴈門代郡軍士不循法



者師古曰循從也由也夏大旱蝗六月行幸雍秋匈奴

盜邊遣將軍韓安國屯漁陽

元朔元年應劭曰朔蘇也孟軻曰后來其蘇蘇息也言萬民品物太繁息也師古曰朔猶始也

言更為初始也蘇息之息非息生義應說失之冬十一月詔曰公卿大

夫所使總方略壹統類廣教化美風俗也

夫本仁祖義褒德祿賢勸善刑暴師古曰本仁祖

義謂以仁義為本始五帝三王所繇昌也師古曰五帝伏羲神農黃帝堯舜也三王夏殷周也繇讀與由同

朕夙興夜寐嘉與宇內之士

武帝

臻於斯路師古曰天地四方為宇臻至也故旅耆老復孝敬師古曰

曰旅耆老者加惠於耆老之人若賓旅也復選豪俊

講文學師古曰講謂和習之稽參政事祈進民心師古曰

深詔執事興廉舉孝庶幾成風紹休聖緒

師古曰休美也緒業也言紹先聖之休緒也故下言昭先帝聖緒夫十室之邑必

有忠信三人並行厥有我師師古曰論語稱孔子云十室之

邑必有忠信如丘者焉又曰三人行必有我師焉今

或至闔郡而不薦一人師古曰闔閉也總一郡之中故云闔郡是

大司馬

卷之八

卷之八

七

是



化不下究而積行之君子雍於上聞也師古

曰究竟也言見雍過不得聞達於天子也雍讀曰壅二千石官長紀綱人

倫師古曰謂郡之守尉縣之令長將何以佐朕燭幽隱勸元元

師古曰燭照也元元善意厲蒸庶師古曰蒸衆也崇鄉黨之訓哉且

進賢受上賞蔽賢蒙顯戮古之道也其與

中二千石禮官博士議不舉者罪有司奏

議曰古者諸侯貢士壹適謂之好德服虔曰適得其

人再適謂之賢賢三適謂之有功廼加九

武帝

錫應劭曰一曰車馬二曰衣服三曰樂器四曰朱戶五曰納陛六曰虎賁百人七曰鈇鉞八曰弓矢九

曰拒鬯此皆天子制度尊之故事事錫與但數少耳張晏曰九錫經本無文周禮以為九命春秋說有之臣瓚

曰九錫備物伯者之盛禮齊桓晉文猶不能備今三進賢便受之似不然也當受進賢之一錫尚書大傳云三

適謂之有功賜以車服弓矢是也師古曰不貢士壹

摠列九錫應說是也進賢一錫瓚說是也則黜爵再則黜地三而黜爵地畢矣李奇曰爵

地俱削盡夫附下周上者死附上周下者刑與聞

國政而無益於民者斥師古曰與讀曰豫斥謂棄逐之在上

位而不能進賢者退此所曰勸善黜惡也

大日五



今詔書昭先帝聖緒令二千石舉孝廉所

以化元元移風易俗也不舉孝不奉詔當

以不敬論張晏曰謂其不勤求士報國不察廉不勝任也

當免張晏曰當率身化下今親宰牧而無賢人為不勝任也奏可十二月

江都王非薨春三月甲子立皇后衛氏詔

曰朕聞天地不變不成施化陰陽不變物

不暢茂師古曰暢通也易曰通其變使民不倦應劭

曰黃帝堯舜祖述伏羲神農結網耒耜以日中為市交易之業因其所利變而通之使民知之不若倦也師古

武帝

曰此易下繫之辭也言通物之變故能樂其器用不懈倦也詩云九變復貫知

言之選應劭曰逸詩也陽數九入君當陽言變政復禮合於先王舊貫知言之選選善也孟康曰

貫道也選數也極天之變而不失道者知言之數也臣贊曰先王創制易教以救流弊也是以三王之教有文

有質九數之多也師古曰貫事也選擇也論語曰仍舊貫此言文質不同寬猛殊用循環復舊擇善而從之贊

說近也朕嘉唐虞而樂殷周據舊臣鑒新師古

曰追觀舊跡以知新政而為鑒戒其赦天下與民更始諸逋負

及辭訟在孝景後三年臣前皆勿聽治師古

曰逋亡也父負官物亡匿不還者皆謂之逋逋音布胡反秋匈奴入遼西殺太



守入漁陽鴈門敗都尉殺略三千餘人遣

將軍衛青出鴈門將軍李息出代獲首虜

數千級東夷歲君南閭等服虔曰穢貉在辰韓之北高向麗沃

沮之南東窮于大海晉灼曰歲古穢字師古曰南閭者歲君之名口二十八萬人

降為蒼海郡魯王餘長沙王發皆薨

二年冬賜淮南王菑川王几杖母朝師古曰淮南王

安菑川王志皆武帝諸父列也故賜几杖焉春正月詔曰梁王城陽

王親慈同生文穎曰願巨邑分弟其許之諸慈愛也

武帝

侯王請與子弟邑者朕將親覽使有列位

焉於是藩國始分而子弟畢侯矣匈奴入

上谷漁陽殺略吏民千餘人遣將軍衛青

李息出雲中至高闕師古曰山名也一曰塞名也在朔方之北遂西

至符離師古曰幕北塞名也獲首虜數千級收河南地

置朔方五原郡三月乙亥晦日有蝕之夏

募民徙朔方十萬口又徙郡國豪傑及訾

三百萬巨上于茂陵秋燕王定國有罪自

大正十

卷之八



殺

三年春罷蒼海郡三月詔曰夫刑罰所以

防姦也內長文所以見愛也晉灼曰長音長吏之長張晏曰長文

長文德也師古曰詔言有文德者即親內而崇長之所以見仁愛之道見謂顯示也音胡電反 臣百

姓之未洽于教化朕嘉與士大夫日新厥

業祗而不解師古曰解讀曰懈 其赦天下夏匈奴入

代殺太守入鴈門殺略千餘人六月庚午

皇太后崩秋罷西南夷城朔方城令民大

武帝

酺五日

四年冬行幸甘泉夏匈奴入代定襄上郡

殺略數千人劉氏校本云監本越本諸本並無略字此紀它文比皆作殺略則小本似是

五年春大旱大將軍衛青將六將軍兵十

餘萬人出朔方高闕獲首虜萬五千級夏

六月詔曰蓋聞導民以禮風之臣樂師古曰風教也

詩序曰上以風化下 今禮壞樂崩朕甚閔焉故詳延天

下方聞之士咸薦諸朝師古曰詳悉也延引也方道也聞博聞也言悉

大八

卷之六

十五

劉向



引有道博聞之士而進於朝也禮記曰隆禮由禮謂之有方之士又曰博聞疆識而讓謂之君子一曰方謂方

也其令禮官勸學講議洽聞舉遺興禮臣

為天下先師古曰學遺逸太常其議予博士

弟子崇鄉黨之化臣厲賢材焉師古曰為博士置弟子既

得崇化於鄉黨又丞相弘請為博士置弟子負

以將大厲賢材之人師古曰學若益廣秋匈奴入代殺都尉

六年春二月大將軍衛青將六將軍兵十

餘萬騎出定襄斬首三千餘級還休士馬

武帝

于定襄雲中鴈門赦天下夏四月衛青復

將六將軍絕幕應劭曰幕沙幕匈奴之南界也

應璩二說皆是也而說者或云是塞外地名非矣幕大

克獲前將軍趙信軍敗降匈奴右將軍蘇

建亡軍獨身脫還贖為庶人六月詔曰朕

聞五帝不相復禮三代不同法所繇殊路

而建德一也師古曰復因也音扶蓋孔子對定

公臣徠遠臣璩曰論語及韓子皆言葉公問政於孔子孔子答以悅近徠遠今云定公與二書

劉寬



異哀公臣論臣如淳曰韓非云哀公問政仲星曰政在選賢景公臣

節用如淳曰韓非云齊景公問政仲星曰政在節財非期不同所急異

務也李奇曰期要也非要當必不同所急異務不得不然今中國一統而

北邊未安朕甚悼之日者大將軍巡朔方

征匈奴斬首虜萬八千級諸禁錮及有過

者咸蒙厚賞得免減罪師古曰有罪者或被釋免或得減輕今

大將軍仍復克獲師古曰仍頻也斬首虜萬九千級

受爵賞而欲移賣者無所流馳應劭曰馳音移言軍吏士

武帝

斬首虜爵級多無所移與今為置武功賞官爵多者分與父兄子弟及賣與他人也師古曰此說非也許慎說文解字云馳物之重次第也此詔言欲移賣爵者無有差次不得流行故為置官級也馳音弋賜反今俗猶謂凡物一重為一馳也。宋祁曰馳音難易之易其議為令有司奏請置

武功賞官臣寵戰士

元狩元年應劭曰獲白麟因改元曰元狩也冬十月行幸雍祠

五時獲白麟師古曰麟麋身牛尾馬足黃色園蹄一角角端有肉作白麟

之歌十一月淮南王安衡山王賜謀反誅

黨與死者數萬人十二月大雨雪民凍死

大百五十二

餘編



小音甲九

師古曰雨音于具反夏四月赦天下丁卯立皇太子賜

中二千石爵右庶長師古曰第十一等爵民為父後

者一級詔曰朕聞咎繇對禹曰在知人知

人則哲惟帝難之師古曰尚書咎繇謨載咎繇之辭也帝謂堯也蓋君

者心也民猶支體支體傷則心憺怛師古曰憺痛也

日者淮南衡山脩文學流貨怛悼也憺音千感反怛音丁曷反

賂兩國接壤怵於邪說服虔曰怵音裔應劭曰

湯見誘怵於邪說也師古曰作怵者非如說云見誘怵其義是也而音怵惕又非也怵或體誅字耳誅者誘也

武帝

音如戌亥之戌南越傳曰不可怵好語入朝諸如此例音義同耳今俗猶云相謾誅而說者或改為鉢導之鉢

蓋穿鑿也謾音先誘反鉢音述而造篡弒此朕之不德詩云

憂心慘慘念國之為虐師古曰小雅正月之貌已

赦天下滌除與之更始朕嘉孝弟力田哀

夫老眊孤寡鰥獨師古曰眊古耄字八十曰耄耄老稱也一曰眊不明之貌或

匱於衣食甚憐愍焉其遣謁者巡行天下

存問致賜師古曰致送至也行音下更反曰皇帝使謁者師古曰謁

賜縣三老孝者帛人五匹鄉三

者令使者宣詔書之文



老第者力田帛人三匹年九十臣上及鰥

寡孤獨帛人二匹絮三斤八十臣上米人

三石有寃失職使者臣聞師古曰職常也失職者失其常業及常理

也縣鄉即賜母贅聚如淳曰贅會也令勿擅徵召贅聚三老孝弟力田也

師古曰即就也各遣就其所居而賜之勿會聚也贅音之銳反五月乙巳晦日有

蝕之匈奴入上谷殺數百人

二年冬十月行幸雍祠五時春三月戊寅

丞相弘薨遣驃騎將軍霍去病出隴西至

武帝

臯蘭應劭曰在隴西白石縣塞外河名也孟康曰山關名也師古曰臯蘭山名也霍去病傳云過焉

支山千有餘里合短兵鑿臯蘭下則此山也非河名也白石縣在金城又不屬隴西應說並失之鑿音烏曹反

斬首八千餘級其馬生余吾水中應劭曰在湖方北也

南越獻馴象應劭曰馴者教能拜起周章從人意也師古曰馴音巡謂擾也應說是也

能言鳥師古曰即鸚鵡也今隴西及南海並有之萬種五色交州以南諸國盡有之白及五色者其性尤慧

解益謂此也隋開皇十八年林邑國獻白鸚鵡時以為異是歲貢士咸試賦之聖皇馭歷屢有茲獻上以幽遐勞費撫慰弗受

將軍去病公

孫敖出北地二千餘里過居延師古曰居延匈奴中地名



也韋昭以為張掖縣夫之張掖所置居延縣者以安處所獲居延人而置此縣斬首虜三

萬餘級匈奴入鴈門殺略數百人遣衛尉

張騫郎中令李廣皆出右北平廣殺匈奴

三千餘人盡亡其軍四千人獨身脫還劉

放曰廣傳無此事而云廣軍幾沒以自當無賞耳疑紀誤及公孫敖張騫皆

後期當斬贖為庶人江都王建有罪自殺

膠東王寄薨秋匈奴昆邪王殺休屠王師古

并將其眾合四萬餘人來降置

武帝

五屬國呂處之師古曰凡言屬國者存其國號而屬漢朝故曰屬國呂其

地為武威酒泉郡師古曰武威今涼州也酒泉今肅州

三年春有星孛于東方夏五月赦天下立

膠東康王少子慶為六安王封故相國蕭

何曾孫慶為列侯秋匈奴入右北平定襄

殺略千餘人遣謁者勸有水災郡種宿麥

師古曰秋冬種之經歲乃熟故云宿麥舉吏民能假貸貧民者呂

名聞師古曰貸音吐戴反減隴西北地上郡戍卒半發



謫吏穿昆明池如淳曰食貨志以舊吏弄法故謫使穿池更發有賞者為吏也臣瓚

曰西南夷傳有越雋昆明國有滇池方二百里漢使求身毒國而為昆明所閉今欲伐之故作昆明池象之以習水戰在長安西南周回四十里食貨志又曰時越欲與漢用船戰遂乃大脩昆明池也師古曰謫吏吏有罪者罰而沒之滇音顛

四年冬有司言關東貧民徙隴西北地西

河上郡會稽凡七十二萬五千口縣官衣

食振業用度不足請收銀錫造白金及皮

幣以足用應劭曰時國用不足以白鹿皮為幣朝勤以薦璧及造銀錫為白金見食貨志初

武帝

筭緡錢李斐曰緡絲也以貫錢也一貫千錢出筭二

十也臣瓚曰茂陵書諸賈人未作貫貨置居邑儲積諸物及商以取利者雖無市籍各以其物自占率緡錢二千而一筭此緡錢是儲錢也故隨其用所施施於利重者其筭亦多也師古曰謂有儲積錢者計其緡貫而稅之李說為是緡音武巾反春有星

孛于東北夏有長星出于西北大將軍衛

青將四將軍出定襄將軍去病出代各將

五萬騎步兵踵軍後數十萬人師古曰踵接也猶言躡其

踵青至幕北圍單于斬首萬九千級至闐

顏山乃還鄧展曰音填塞之填去病與左賢王戰斬獲



首虜七萬餘級封狼居胥山廼還師古曰登山祭天築

士為封刻石紀事以彰漢功兩軍士死者數萬人前將軍

廣後將軍食其皆後期廣自殺食其贖死

如淳曰李廣傳引兵與右將軍食其合軍出東道又曰廣自剄右將軍下吏當死贖為庶人霍去病傳亦云趙

食其為右將軍平陽侯襄為後將軍此紀為誤也師古曰傳寫者誤以右為後食其音異其基

五年春二月甲午丞相李蔡有罪自殺文穎

曰李廣從弟坐侵陵墾地天下馬少平牡馬匹二十萬如淳

曰貴平牡馬賈欲使人競畜馬罷半兩錢行五銖錢徙天下

武帝

茲猾吏民於邊師古曰猾狡也音乎八反

六年冬十月賜丞相臣下至吏二千石百

金千石臣下至乘從者帛晉灼曰乘騎諸從者也師古曰流俗

書本乘上或有八公字非也後人妄加之。宋祁曰百金新本無百字蠻夷錦各有差

雨水亡冰師古曰雨音于具反夏四月乙巳廟立皇子

闕為齊王旦為燕王胥為廣陵王師古曰於廟中策命

之初作誥服虔曰詔敕王如尚書諸誥也李斐曰今敕封拜諸侯王策文亦是也見武五子傳

六月詔曰日者有司以幣輕多姦李奇曰幣錢也輕者



若一馬直二十萬是為幣輕而物重也重難得則用不足而姦生

農傷而未眾師古曰謂大家兼役小民欲平之也

文穎曰兼并者食祿之家不得治產兼取小民之利商人雖富不得復兼畜田宅作客耕農也師古曰李說是

故改幣巨約之李哥曰更去半兩錢行五稽諸

往古制宜於今師古曰稽考也音工奚反廢期有月應劭曰禁半兩

錢及餘幣物禁之有期月而民未悉從也如淳曰期音暮自往年三月至今年四月暮有餘月矣師古曰如說

是而山澤之民未諭師古曰未諭者未曉告示之意夫仁行

而從善義立則俗易意奉憲壹有所巨導之

未明與師古曰與讀曰歟將百姓所安殊路而橋度

吏因乘執巨侵蒸庶邪孟康曰虔固也矯稱上命以貨賄用為固尚書

曰寇攘矯虔韋昭曰凡稱詐為矯疆取為虔左傳曰虔劉我邊垂師古曰橋與矯同其字從手矯託也虔固也

妄託上命而堅固為何紛然其擾也師古曰今

遣博士大等六人分循行天下師古曰褚大也

反存問鰥寡廢疾無巨自振業者貸與之

諭三老孝弟巨為民師舉獨行之師古曰貸音士戴反

君子徵詣行在所如淳曰蔡邕云天子以天下為家自謂所居為行在所言今雖



在京師行所在至耳師古曰此說非也天子或在京師或出巡狩不可豫定故言行在所耳不得亦謂京師為行在也  
朕嘉賢者樂知其人廣宣厥道士有

特招使者之任也李哥曰設士有殊才異行當詳

問隱處亡位及寃失職師古曰無位不被任用也寃屈也失職失其常

業也治苛為政尚細刻郡國有所也臣為便者上丞相御史

臣聞秋九月大司馬驃騎將軍去病薨

元鼎元年應劭曰得寶鼎故因是改元夏五月赦天下大

武帝

酺五日得鼎汾水上濟東王彭離有罪廢

徙上庸應劭曰春秋時庸國

二年冬十一月御史大夫張湯有罪自殺

十二月丞相青翟下獄死師古曰莊青翟春起柏梁

臺服虔曰用百頭梁作臺因名焉師古曰三輔舊事云以香栢為之今書字皆作柏服說非也。劉氏

校木云注未無也字三月大雨雪師古曰雨音于具反夏大水關

東餓死者臣千數秋九月詔曰仁不異遠

義不辭難師古曰遠近如一為義也今京師雖



未為豐年山林池澤之饒與民共之今水

潦移於江南迫隆冬至朕懼其飢寒不活

江南之地火耕水耨應劭曰燒草下水種稻草與稻並生高七八寸因悉

艾去復下水灌之草死獨稻長所謂火耕水耨方下巴蜀之粟致之江

陵遣博士中等分循行師古曰行音下更反諭告所抵

無令重困師古曰抵至也重音直用反吏民有拯救飢民免

其危者具舉臣聞

三年冬徙函谷關於新安應劭曰時樓船將軍揚僕數有大功不為

武帝

關外民上書乞徙東關以家財給其用度武帝呂故

關為弘農縣十一月令民告緡者呂其半

與之孟康曰有不輸稅令民得告言以半與之正月戊子陽陵園火

夏四月雨雹師古曰雨音于具反關東郡國十餘飢人

相食常山王舜薨子敖嗣立有罪廢徙房

陵

四年冬十月行幸雍祠五時賜民爵一級

女子百戶牛酒行自夏陽東幸汾陰師古曰夏陽馮

大古四九



河東汾音扶云反翊之縣也汾陰屬十一月甲子立后土祠于汾

陰睢上蘇林曰睢音誰如淳曰睢者河之東岸特堆

淮之上后土祠在縣西汾在睢之北西流與河合師古

曰二說皆是也睢者以其形高起如人尻睢故以名云

一說此臨汾水之上地本名鄭音與蔡同彼鄉人呼蔡音如誰故轉而為睢字耳故漢舊儀云蔡上禮畢

行幸滎陽還至洛陽詔曰祭地冀州服虔曰

在汾陰汾陰本冀州地也周時乃瞻望河洛巡省

豫州觀于周室邈而無祀師古曰邈詢問耆

老廼得孽子嘉德本無子字其封嘉為周子

南君臣瓚曰汲冢古文謂衛將軍文子為子南

王如衛命子南為侯秦并六國衛最後云疑嘉是衛後

故氏子南而稱君也初元五年為周承休侯元始四年

為鄭公建武十三年封於觀為衛公師古曰子南其封

邑之號以為周後故摠言周子南君瓚說非也例不先

言此而後稱君且自嘉以下皆姓姬氏著在史傳○宋

祁曰正文舊本作元始三年建武三年此本乃刊誤據

平紀改正 呂奉周祀春二月中山王勝薨夏封

方士欒大為樂通侯位上將軍六月得寶

鼎后土祠旁秋馬生渥洼水中李斐曰南陽

武帝

長當

武帝

時遭

刑屯

田敦

煌界

數於

此水

旁見羣野馬中有奇者與凡馬異來飲此水利長先作土人持勒鞞



於水旁後馬玩習久之代土人持勒鞞收得其馬獻之  
欲神異此馬云從水中出蘇林曰注音塞曲之塞師古  
曰渥音握注  
言於佳反  
作寶鼎天馬之歌立常山憲王

子商為泗水王

五年冬十月行幸雍祠五時遂踰隴應劭曰隴隴阨

坂也師古曰即今之隴山阨音丁禮反登空同應劭曰山名也西臨祖厲河

而還李斐曰音嗟賴十一月辛巳朔旦冬至立泰時

于甘泉天子親郊見師古曰祠太一也見音胡電反朝日夕月

應劭曰天子春朝日秋夕月朝日以朝夕月以夕臣瓚曰漢儀注郊泰時皇帝平旦出竹宮東向揖日其夕西南

武帝

向揖月便用郊日不用春秋也師古曰春朝朝日秋  
暮夕月蓋當禮也郊泰時而揖日月此又別儀  
詔

曰朕臣眇身託于王侯之上師古曰眇細末也德未

能綏民師古曰綏安也民或飢寒故巡祭后土臣祈

豐年冀州臚壤廼顯文鼎獲薦於廟師古曰得鼎祠

旁祠在臚上或云臚壤壤謂土也文鼎言其有刻鏤之文渥洼水出馬朕其御

焉戰戰兢兢懼不克任思昭天地內惟自

新詩云四牡翼翼臣征不服親省邊垂用

事所極李斐曰極至也所至者輒祭也師古曰逸詩也劉攽曰予謂親省邊垂詔語耳望



見泰一脩天文禮文穎曰禮祭也晉灼曰禮古禪字也臣瓚曰此年初祭泰時於

甘泉此祭天於文禮也祭天則天文從故曰脩天文禮也師古曰文晉二說是也朝日夕月即天文禮之謂也

辛卯夜若景光十有二明易曰先甲三日

後甲三日應劭曰先甲三日辛也後甲三日丁也言王者齊戒必自辛臨事必自丁寧師古曰

此易蠱卦之辭朕甚念年歲未咸登師古曰登謂百穀成飭躬齋

戒師古曰飭整也讀與教同丁酉拜况于郊師古曰况賜也辛夜有光是先甲三

日也丁日拜况是後甲三日也故詔引易文夏四月南越王相呂嘉

反殺漢使者及其王王太后赦天下丁丑

武帝

晦日有蝕之秋鼃蝦蟇師古曰鼃鼃也似蝦蟇而長脚其色青音

下媯反蝦音遐蟇音麻鼃音莫幸反遣伏波將軍路博德出桂陽

下湟水樓船將軍楊僕出豫章下洧水鄭氏

曰洧音檉孟康曰洧音貞蘇林曰洧音檉柱之檉師古曰蘇音是也音文庚反歸義越侯嚴

為戈船將軍出零陵下離水張晏曰嚴故越人降為歸義侯越人

於水中負人船又有蛟龍之害故置戈於船下因以為名也臣瓚曰五子胥書有戈船以載干戈因謂之戈船

也離水出零陵師古曰以樓船之例言之則非為載干戈也此蓋船下安戈戟以御蛟鼉水蠱之害張說近之

劉攽曰船下安戈既難措置又不可以行且今造舟船甚多未嘗有置戈者顏延年不知行船故信張說予



謂瓚說是。○宋祁曰戈船將軍當時所建之官如驃騎  
虎牙之類是也。戈船今有之。設干戈於船上以禦敵也。

甲為下瀨將軍。下蒼梧。服虔曰甲故越人歸漢

越謂之瀨。中國謂之磧。伍子胥書有下瀨船師。皆將  
古曰瀨音賴。○宋祁曰注文吳越舊本作吳楚。

罪人江淮。巨南樓船十萬人。越馳義侯遺

應劭曰亦越人也。別將巴蜀罪人發夜郎兵下牂柯

江咸會番禺。如淳曰音潘禺射佗所都師古曰即  
今之廣州。○宋祁曰刊誤本改禺作

愚九月列侯坐獻黃金酎祭宗廟不如法

奪爵者百六人丞相趙周下獄死。服虔曰因  
八月獻酎

武帝

祭宗廟時使諸侯各獻金來助祭也。如淳曰漢儀注諸  
侯王歲以戶口酎黃金於漢廟。皇帝臨受獻金。金少不

如斤兩色惡。王削縣侯免。國臣瓚曰食貨志南越反時  
卜式上書願死之。天子下詔褒揚布告天下。天下莫應

列侯以百數。莫求從軍。至酎飲酒少。府省金而列侯坐  
酎金失侯者百餘人。而表云趙周坐為丞相。知列侯酎

金輕下獄自殺。然則知其輕而不糾擿之。樂通侯樂

大坐誣罔。要斬西羌。來十萬人。反與匈奴

通使。攻故安。圍枹罕。鄧展曰枹音鈇。罕音漢。師古  
曰枹罕金城之縣也。罕讀如

本字。匈奴入五原。殺太守

六年冬十月。發隴西天水安定騎士及中



尉河南河內卒十萬人遣將軍李息郎中

令徐自為征西羗平之行東將幸緱氏師古

曰河南縣也至左邑桐鄉師古曰左邑河東之縣也桐鄉其鄉名也聞

南越破巨為聞喜縣春至汲新中鄉師古曰汲河內

縣新中其鄉名得呂嘉首巨為獲嘉縣馳義戾遺兵

未及下上便令征西南夷平之師古曰便音頻而反遂

定越地巨為南海蒼梧鬱林合浦交阯九

真日南珠崖儋耳郡應劭曰二郡在大海中崖岸之邊出真珠故曰珠崖

武帝

儋耳者種大耳渠率自謂王者耳尤緩下有三十寸張晏曰異物志二郡在海中東西千里南北五百里珠崖言珠若崖矣儋耳之云鏤其頰皮上連耳匡分為數支狀似雞腸累耳下垂臣瓚曰茂陵書珠崖郡治瞻都去長安七千三百二十四里儋耳去長安七千三百六十八里領縣五師古曰儋音丁甘反字本作瞻瞻音審定

西南夷巨為武都牂柯越嶲沈黎文山郡

孟康曰嶲音髓本印都服虔曰今蜀郡北都尉所治本策都也臣瓚曰茂陵書沈黎治策都去長安三千三百三十五里領縣二十一應劭曰文山今蜀郡峭山本舟駝是也秋東越王餘善

反攻殺漢將吏遣橫海將軍韓說中尉王

溫舒出會稽師古曰說讀曰悅樓船將軍楊僕出



豫章擊之又遣浮沮將軍公孫賀出九原

臣瓚曰浮沮井名在匈奴中去九原二千里見漢輿地圖師古曰沮音子閭反 匈奴將軍

趙破奴出令居臣瓚曰匈奴水名在匈奴中去令居千里見匈奴傳師古曰令音鈴

皆二千餘里不見虜而還廼分武威酒泉

地置張掖敦煌郡師古曰敦音徒門反徙民居實之

元封元年應劭曰始封泰山故改年冬十月詔曰南越東

甌咸伏其辜西蠻北夷頗未輯睦師古曰輯與集同集

也朕將巡邊垂擇兵振旅躬秉武節置十

武帝

二部將軍親帥師焉行自雲陽北歷上郡

西河五原出長城北登單于臺至朔方臨

北河勒兵十八萬騎旌旗徑千餘里威震

匈奴遣使者告單于曰南越王頭已懸於

漢北闕矣單于能戰天子自將待邊不能

亟來臣服師古曰亟急也音居力反何但亡匿幕北寒苦

之地為匈奴虜是焉師古曰虜失氣也音之涉反還祠黃帝

於橋山應劭曰在上郡周陽縣有黃帝冢廼歸甘泉東越殺王



餘善降詔曰東越險阻反覆為後世患遷

其民於江淮間遂虛其地春正月行幸緱

氏詔曰朕用事華山至于中嶽文穎曰嵩高

城獲駮庶見夏后啓母石應劭曰啓生而母化

山下師古曰啓夏禹子也其母塗山氏女也禹治鴻水

通輶轅山化為熊謂塗山氏曰欲餉聞鼓聲乃來禹跳

石誤中鼓塗山氏往見禹方作熊慙而去至嵩高山下

化為石方生啓禹曰歸我子石破北方而啓生事見淮

武帝

南子景帝諱啓今此詔云啓母蓋史追書之非當時文

○劉攽曰此石本名啓母石武帝避景諱更號夏后母

石後人又誤重出啓應劭曰翌明

字非史之追書也也。宋祁曰

新本作登嵩高御史乘屬在廟旁吏卒咸聞呼萬歲

者三服虔曰乘同乘屬官屬也如淳曰漢儀注御史

亦有屬晉灼曰天子出御史除二人為乘曹護

車駕荷悅曰萬歲山神稱之也應劭曰嵩高縣有上中

下萬歲以師古曰乘屬如晉二說是也乘音食證反

登禮罔不荅師古曰罔無也言登其令祠官加

增太室祠韋昭曰嵩高山有太室少室禁無伐其

草木臣山下戶三百為之奉邑名曰崇高

師古曰謂之崇者示

尊崇之奉音扶用反

獨給祠復亡所與師古曰復

音方日反

與讀

曰預

行遂東巡海上夏四月癸卯上還登封



**泰山**

孟康曰王者功成治定告成功於天封崇也助天之高也刻石紀號有金策石函金泥玉檢之

封焉應劭曰封者壇廣十二丈高二丈階三等封於其上示增高也刻石紀績也立石三丈一尺其辭曰事天

以禮立身以義事親以孝育民以仁四守之內莫不為郡縣四夷八蠻咸來貢職與天無極人民蕃息天祿永

得尚玄酒而俎生魚下禪梁父祀地主示增廣此古制也武帝封廣丈二尺高九尺其下則有滕書祕語在郊

祀**降坐明堂**

臣瓚曰郊祀志初天子封太山太山志東北陟古時有明堂處則此所坐者

也明年秋乃作明堂耳

**詔曰朕臣眇身承至尊**

師古曰眇微細也

**兢兢焉惟德菲薄不明于禮樂**

師古曰菲亦薄也音敷尾

反又音靡**故用事八神**

文穎曰武帝祭太一并祭名山於太壇西南開除八通鬼道故

武帝

言用事八神也一曰八方之神。劉攽曰八神則郊祀志所說天主地主兵主陰主陽主日主月主四時主也

其祠皆在齊地故始皇東游海上行禮祠之而武帝亦然**遭天地况施**應劭曰

施與也言天地神靈乃賜我瑞應**著見景象昏然如有聞**巨

曰聞呼萬歲者三是也。宋祁曰姚本云昏先結反與昏同說文云動作切切也一曰敬也又索也**震**

**于怪物欲止不敢遂登封泰山至于梁父**

**然後升禋肅然**服虔曰增天之高歸功於天禋闡也廣土地也肅然山名也在梁父

張晏曰天高不可及於太山上立封又禋而祭之與近神靈也師古曰父讀曰甫**自新嘉興**

**士大夫更始其呂十月為元封元年行所**



巡至博奉高蛇丘歷城梁父鄭氏曰蛇音移民田租

逋賦貸已除師古曰逋賦未出賦者也逋貸官以物貸之而未還也貸音踐戴反加

年七十臣上孤寡帛人二匹四縣無出今

年筭師古曰自博至梁父凡五縣今云四縣毋出筭者奉高一將素以供神非筭限也賜

天下民爵一級女子百戶牛酒行自泰山

復東巡海上至碣石文穎曰在遼西系縣系縣今罷屬臨榆此石著海旁師古

曰碣碣然特立之貌也音其列反。宋祁曰系縣舊碣參非自遼西歷北邊九

原歸于甘泉秋有星孛于東井又孛于三

武帝

### 台齊王閔薨

二年冬十月行幸雍祠五時春幸綏氏遂

至東萊夏四月還祠泰山至瓠子臨汝河

服虔曰瓠子隄名也在東郡白馬蘇林曰在鄆城以南濮陽以北廣百步深五丈命從臣將

軍臣下皆負薪塞河隄作瓠子之歌赦所

過徒賜孤獨高年米人四石還作甘泉通

天臺長安飛廉館應劭曰飛廉神禽能致風氣者也明帝永平五年至長安迎取

飛廉并銅馬置上西門外各平樂館董卓悉銷以為錢晉灼曰身似鹿頭如爵有角而蛇尾文如豹文師古曰



通天臺者言此臺高上通於天也漢舊儀云高三十丈望見長安城朝鮮王攻殺遼

東都尉廼募天下死罪擊朝鮮六月詔曰

甘泉宮內中產芝九莖連葉應劭曰芝芝草也其葉相連如

淳曰瑞應圖王者敬事耆老不天舊故則芝草生師古曰內中謂後庭之室也故云不異下房上帝

博臨不異下房賜朕弘休師古曰上帝天也博廣也弘大也休美也

言天廣臨不以下房為幽側而隔異之賜以此芝是大美也其赦天下賜雲陽

都百戶牛酒晉灼曰雲陽甘泉黃帝以來祭天圓丘處也武帝常以避暑有宮觀故稱

都也師古曰此說非也都謂縣之所居在宮側者耳賜不徧其境內故指稱其都非謂天子之都也若以有宮

武帝

觀稱都則非作芝房之歌秋作明堂于泰山

止雲陽矣下遣樓船將軍楊僕左將軍荀彘將應募

罪人擊朝鮮應劭曰樓船者時欲擊越非水不至故作大船上施樓也又遣

將軍郭昌中郎將衛廣發巴蜀兵平西南

夷未服者呂為益州郡

三年春作角抵戲應劭曰角者角技也抵者相抵觸也文穎曰名此樂為角抵者

兩兩相當角力角技藝射御故名角抵蓋雜技樂也巴俞戲魚龍蔓延之屬也漢後更名平樂觀師古曰抵者

當也非謂抵觸文說是也三百里內皆來觀夏朝鮮斬其

輪



王右渠降

師古曰右渠朝鮮王名

臣其地為樂浪臨屯

玄菟真番郡

臣瓚曰茂陵書臨屯郡治東肫縣去長安六千一百二十八里十五縣真

番郡治雲縣去長安七千六百四十里十五縣師古曰樂音洛浪音郎番音普安反肫音弋支反雲音文甲反

樓船將軍楊僕坐失亡多免為庶民左將

軍荀彘坐爭功棄市

師古曰棄市殺之於市也解在景紀

秋七

月膠西王端薨武都氏人反分徙酒泉郡

師古曰不盡徙

四年冬十月行幸雍祠五時通回中道

應劭

武帝

曰回中在安定高平有險阻蕭關在其北通治至長安也孟康曰回中在北地有山險武帝故宮如淳曰三輔

黃圖云回中宮在河也師古曰回中在安定北通蕭關應說是在也而云治道至長安非也蓋自回中通道以出

蕭關孟如二家皆失之矣回中宮在河遂北出蕭

者或取安定回中為名耳非今所通道關

如淳曰匈奴傳入朝鄒蕭關蕭關在安定朝那縣也歷獨鹿鳴澤

名也鳴澤澤名也皆在涿郡道縣北界也自代而還幸河東春三月

祠后土詔曰朕躬祭后土地祗見光集于

靈壇一夜三燭服虔曰燭音注師古曰燭謂照也讀如本字幸中都宮殿上見光師古曰中其赦汾陰夏陽中



都死罪臣下賜三縣及楊氏皆無出今年

租賦師古曰楊氏河東聚邑名夏大旱民多暵死如淳曰暵音謁師古

曰中熱而死也秋臣匈奴弱可遂臣服廼遣使說之

單于使來死京師匈奴寇邊遣拔胡將軍

郭昌屯朔方

五年冬行南巡狩至于盛唐文穎曰案地理志不得疑當在

廬江左右縣名也韋昭曰在南郡師古曰韋說是也望祀虞舜于九嶷應劭

曰舜葬蒼梧九嶷山名今在零陵營道文穎曰九嶷山半在蒼梧梧半在零陵如淳曰舜葬九嶷九嶷在蒼梧馮

武帝

乘縣故或云舜葬蒼梧也師古曰文說是也疑音疑其

山九峯形勢相似故曰九嶷山。宋祁曰舊本是也下

有九字疑字下無音疑字刊誤據史館本改登瀛天柱山應劭曰瀛音

山在瀛瀛縣名屬廬江文穎曰天柱山在瀛縣南有祠瀛音岑師古曰瀛音與潛同應說是自尋

陽浮江親射蛟江中獲之師古曰許慎云蛟龍

似蛇而四脚細頸頸有白嬰大者數圍卵生子如一二斛瓮能吞人也舳舻千里李

曰舳船後持柂處也舻船前頭刺櫂處也言其船多前後相銜千里不絕也師古曰舳音軸舻音盧薄

縱陽而出服虔曰縣名屬廬江師古曰縱音千松反作盛唐縱陽

之歌遂北至琅邪並海師古曰並讀曰傍傍依也音步浪反所



過禮祠其名山大州春三月還至泰山增

封甲子祠高祖于明堂吕配上帝因朝諸

侯王列侯受郡國計師古曰計若今之諸州計帳也。宋祁曰南本無此

注予案太初元年受計于甘泉下注又云若今之諸州計帳疑只當一見夏四月詔曰

朕巡荆揚輯江淮物如淳曰輯合也物猶神也郊祀志所祭祀事也師古

曰輯與集同會大海氣鄭氏曰會合海神之氣并祭之吕合泰山

師古曰集江淮之神會大海之氣合致於泰山然後修封摠祭饗也上天見象增修

封禪師古曰見謂顯示也其赦天下所幸縣毋出今年

武帝

租賦賜鰥寡孤獨帛貧窮者粟還幸甘泉

郊泰畤大司馬大將軍青薨初置刺史部

十三州師古曰漢舊儀云初分十三州假刺史印綬有常治所常以秋分行郡御史為駕四封乘

傳到所部郡國各遣一吏迎之界上所察六條名臣文武欲盡詔曰蓋

有非常之功必待非常之人故馬或奔蹏

而致千里師古曰蹏蹏也奔走也奔蹏者乘之即奔立則蹏人也蹏音徒計反士或

有負俗之累而立功名晉灼曰負俗謂被世譏論也師古曰累音力端

反夫泛駕之馬師古曰泛覆也音方勇反字本作馮後通用耳覆駕者言馬有逸氣



而不循 跣弛之士 如淳曰跣音拓弛廢也士行有卓  
軌轍也 異不入俗檢而見斥逐者師古曰  
跣者跣落無檢局也弛者放廢不遵 禮度也跣音土各反弛音式爾反 亦在御之而

已 師古曰在人 其令州郡察吏民有茂材異

等 應劭曰舊言秀才避光武諱稱茂才異等 可為將

相及使絕國者 師古曰絕遠之外

六年冬行幸回中春作首山宮 應劭曰首山

下立宮廟也文穎曰在河東蒲坂界師 三月行幸

河東祠后土詔曰朕禮首山昆田出珍物

武帝

化或為黃金 應劭曰昆田首山之下田也武帝 祭

后土神光三燭其赦汾陰殊死臣下賜天

下貧民布帛人一匹益州昆明反赦京師

亡命令從軍遣拔胡將軍郭昌將臣擊之

夏京師民觀角抵于上林平樂觀秋大旱

蝗

太初元年 應劭曰初用夏正以正月 冬十月行幸

泰山十一月甲子朔旦冬至祀上帝于明

大正四年

前紀六

漢書卷六

三十九

丙文



堂乙酉柏梁臺災十二月禮高里

伏儼曰山名在泰山

下師古曰此高字自作高下之高而死人之里謂之高里或呼為下里者也字即為蓬蒿之蒿或者既見太山神靈之府高里山又在其旁即誤以高里為蒿里混同一事文學之士共有此謬陸士衡尚不免况其餘乎今流俗書本此高字有作蒿者妄加增耳

祠后土東臨勃海望祠蓬

萊春還受計于甘泉

師古曰受郡國所上計二簿也若今之諸州計帳

月起建章宮

文穎曰越巫名勇謂帝曰越國有火災即復大起宮室以厭勝之故帝作

建章宮師古曰在未央宮西今長安故城西俗所呼貞女樓者即建章宮之闕也

夏五月正

歷呂正月為歲首

師古曰謂以建寅之月為正也未正歷之前謂建亥之月

武帝

為正今此言以正月為歲首者史追正其月名

色上黃數用五

張晏曰漢據士德士

數五故用五謂印文也若丞相曰丞相之印章諸卿及守相印文不足五字者以之足之

定官名

協音律遣因杆將軍公孫敖

服虔曰匈奴地名因所征以名

將軍也師古曰杆音羽俱反

築塞外受降城秋八月行幸

安定遣貳師將軍李廣利

張晏曰貳師大宛城名

發天

下謫民西征大宛

師古曰庶人之有罪謫者也大宛國名宛音於元反

蝗

從東方飛至敦煌

二年春正月戊申丞相慶薨

師古曰石慶也

三月



行幸河東祠后土令天下大酺五日臘五

日祠門戶比臘

如淳曰臘音樓漢儀注立秋緇臘伏臘曰臘音劉劉殺也蘇林曰臘

祭名也緇虎屬常以立秋日祭獸王者亦以此日出臘還以祭宗廟故有緇臘之祭也師古曰續漢書作緇劉臘劉義各通耳臘者冬至後臘祭百神也臘音來盍反。劉放曰臘五日衍五字 夏四月詔

曰朕用事介山祭后土皆有光應

文穎曰介山在河東

皮氏縣東南其山特立周七十里高三十里

其赦汾陰安邑殊死臣

下五月籍吏民馬補車騎馬

師古曰籍者摠入籍錄而取之

秋

蝗遣浚稽將軍趙破奴

應劭曰浚稽山在武威塞北匈奴常所以為障蔽師

武帝

古曰浚音峻稽音雞

二萬騎出朔方擊匈奴不還冬十

二月御史大夫兒寬卒

師古曰兒音五兮反

三年春正月行東巡海上夏四月還修封

泰山禮石閭

應劭曰石閭山在太山下陞南方方士言仙人閭也

遣光祿

勳徐自為築五原塞外列城

晉灼曰地理志從五原柰陽縣北出

石門鄣即得所築城師古曰柰音固

西北至盧朐

服虔曰匈奴地名張晏曰山名師古曰張

說也是也胸音劬

游擊將軍韓說將兵屯之

師古曰說讀曰悅

疆

弩都尉路博德築居延秋匈奴入定襄雲



中殺略數千人行壞光祿諸亭障應劭曰光祿勳徐自

為所築列城今匈奴從此往壞敗也師古曰漢制每塞要處別築為城置人鎮守謂之候城此即鄣也音之向

反 又入張掖酒泉殺都尉

四年春貳師將軍廣利斬太宛王首獲汗

血馬來應劭曰大宛舊有天馬種蹋石汗血汗從前

蹋石而有跡作西極天馬之歌秋起明光宮

師古曰三輔黃圖云在城中元后傳云成都侯商避暑借明光宮蓋謂此冬行幸回中

徙弘農都尉治武關稅出入者臣給關吏

武帝

### 卒食

天漢元年應劭曰時頻年苦旱故改元為天漢以祈

甘雨師古曰大雅有雲漢之詩周大夫仍春正月行幸甘

泉郊秦時三月行幸河東祠后土匈奴歸

漢使者使使來獻夏五月赦天下秋閉城

門大搜臣瓚曰漢帝年記六月禁踰後七月閉城門

師古曰時巫蠱未起瓚詭是發誦成屯五原

二年春行幸東海還幸回中夏五月貳師

大



將軍三萬騎出酒泉與右賢王戰于天山

晉灼曰在西域近蒲類國云長安八千餘里師古曰即祁連山也匈奴謂天為祁連祁音巨夷反今鮮卑語尚

然斬首虜萬餘級又遣因杆將軍出西河

騎都尉李陵將步兵五千人出居延北與

單于戰斬首虜萬餘級陵兵敗降匈奴秋

止禁巫祠道中者文穎曰始漢家於道中祠排禍咎移之於行人百姓以其不經

今止之也師古曰文說非也祕祝移過文帝父已除之今此摠禁百姓巫覡於道中祠祭者耳大搜

臣瓚曰搜謂索姦人也晉灼曰搜巫蠱也師古曰瓚說是渠黎六國使使來獻

武帝

臣瓚曰渠黎西域胡國名泰山琅邪羣盜徐勃等阻山攻

城師古曰阻山者依山之險以自固也道路不通遣直指使者暴

勝之等衣繡衣杖斧分部逐捕師古曰杖斧持斧也謂建

持之以為威也刺史郡守以下皆伏誅冬十

一月詔關都尉曰今豪桀多遠交依東方

羣盜異其謹察出入者

三年春二月御史大夫王卿有罪自殺初

榷酒酤如淳曰榷音較應劭曰縣官自酤榷賣酒小民不復得酤也韋昭曰以木渡水曰榷謂禁



民酤釀獨官開置如道路設來為權獨取利也師古曰  
權者步渡橋爾雅謂之石杠今之略約是也禁閉其事  
摠利入官而下無由以得有若渡水之權因三月行  
立名焉韋說如音是也酤音工護反約音酌

幸泰山修封祀明堂因受計還幸北地祠

常山瘞玄玉鄧展曰瘞埋也師古曰爾雅曰祭地  
曰瘞薶薶其物者示歸於地也瘞音

於例夏四月赦天下行所過毋出田租秋

匈奴入鴈門太守坐畏懦棄市如淳曰軍法  
行逗留畏懦

者要斬懦音如掾反  
師古曰又音乃館反

四年春正月朝諸侯王于甘泉宮發天下

武帝

七科謫張晏曰吏有罪一亡命二贅壻三賈人四故  
有市籍五父母有市籍六大父母有市籍七

凡七科也及勇敢士遣貳師將軍李廣利將六萬

騎步兵七萬人出朔方因杆將軍公孫敖

萬騎步兵三萬人出鴈門游擊將軍韓說

師古曰說  
讀曰悅步兵三萬人出五原彊弩都尉路

博德步兵萬餘人與貳師會廣利與單于

戰余吾水上連日敖與左賢王戰不利皆

引還夏四月立皇子臯為昌邑王孟康曰臯  
音博晉灼

子

武帝

卷八

四

臣



曰許慎以秋九月令死罪入贖錢五十萬減為肩膊字死一等

太始元年應劭曰言盪滌天下與民更始故以冠元春正月因杆將

軍赦有罪要斬徙郡國吏民豪桀于茂陵

雲陵師古曰此當言雲陽而轉寫者誤為陵耳茂陵帝自所起而雲陽甘泉所居故摠使徙豪桀也

鈎弋趙婕妤死葬雲陽至昭帝即位始尊為皇太后而起雲陵武帝時未有雲陵夏六月赦

天下

二年春正月行幸回中三月詔曰有司議

武帝

曰往者朕郊見上帝西登隴首獲白麟

饋宗廟渥洼水出天馬泰山見黃金師古曰見音胡

反電宜改故名今更為黃金為麟趾裏蹠

呂應劭曰獲白麟有馬瑞故改鑄黃金如麟趾裏蹠以協嘉祉也古有駮馬名要裏赤喙黑

身一日行萬五千里也師古曰既云宜改故名又曰更

黃金為麟趾裏蹠是即舊金雖以斤兩為名而官有常

形制亦由今時吉字金挺之類矣武帝欲表祥瑞故昔

改鑄為麟足馬蹠之形以易舊法耳今人往往於此中得馬蹠金金甚精好而形製巧妙裏音奴了反。劉放曰按元封六年詔曰朕禮首山昆田出珍物或化為黃金而此稱泰山似非是所謂黃金為麟趾裏蹠者蓋用首山金為之爾故詔書先聖二端下乃云呂協瑞焉



因呂班賜諸侯王秋旱九月募死罪人贖錢五十萬減死一等御史大夫杜周卒

三年春正月行幸甘泉宮饗外國客二月令天下大酺五日行幸東海獲赤鴈作朱

鴈之歌幸琅邪禮日成山孟康曰禮日拜日也如淳曰祭日於成山

也師古曰成山在東萊不夜縣斗入海郊祀志作盛山其音同登之粟晉灼曰地理志東萊腫縣

有之粟山祠師古曰浮大海山稱萬歲冬賜行粟音浮腫音直瑞反

所過戶五千錢鰥寡孤獨帛人一匹

武帝

四年春三月行幸泰山壬午祀高祖于明

堂呂配上帝因魯計癸未祀孝景皇帝于

明堂甲申脩封丙戌禮石閭夏四月幸末

其如淳曰其音基不其山名因以為縣應劭曰東萊縣也祠神人于交門

宮應劭曰神人蓬萊仙人之屬也晉灼曰琅邪縣有交門宮武帝所造若有鄉坐

拜者師古曰如有神之象鄉祠坐而拜也漢注云神並見且白且黑且大且小鄉坐三拜鄉讀曰

嚮坐音才卧反作交門之歌夏五月還幸建章宮大

置酒赦天下秋七月趙有蛇從郭外入邑



與邑中蛇羣鬪孝文廟下服虔曰趙所立孝文廟也邑中

蛇死冬十月甲寅晦日有蝕之十二月行

幸雍祠五時西至安定北地

征和元年應劭曰言征伐四夷而天下和平春正月還行幸

建章宮三月趙王彭祖薨冬十一月發三

輔騎士大搜上林閉長安城門索文穎曰簡車馬數軍

實也臣瓚曰搜謂索數人也上林苑周回數百里故發三輔車騎入大搜索也漢帝年記發三輔騎士大搜長安上林中閉城門十五日待詔比軍征官多餓死然即皆搜索非數軍實也師古曰文說非也索音山客反

武帝

十一日廼解巫蠱起

二年春正月丞相賀正下獄死夏四月大風

發屋折木閏月諸邑公主陽石公主師古曰諸邑琅

邪縣也以封公主故謂之邑陽石北海縣也二公主皆衛皇后之女也陽字或作羊皆坐巫蠱

死夏行幸甘泉秋七月按道侯韓說使者

江充等師古曰即上游擊將軍韓說也掘蠱太子宮壬午太

子與皇后謀斬充呂節發兵與丞相劉屈

氂大戰長安師古曰屈音丘勿反又音其勿反氂音力之反死者數萬



人庚寅太子亡

師古曰謂逃匿也

皇后自殺初置城

門屯兵更節加黃旄

應邵曰時太子亦發節以戰故加其上黃以別之

御史大夫暴勝之司直田仁坐失縱勝之

自殺仁要斬八月辛亥太子自殺于湖

師古

曰湖縣名也即今饒州

癸亥地震九月立趙敬

肅王子偃為平干王匈奴入上谷五原殺

略吏民

三年春正月行幸雍至安定北地匈奴入

武帝

五原酒泉殺兩都尉三月遣貳師將軍廣

利將七萬人出五原御史大夫商丘成二

萬人出西河重合侯馬通四萬騎出酒泉

成至浚稽山

師古曰音峻維

與虜戰多斬首通至

天山虜引去因降車師皆引兵還廣利敗

降匈奴夏五月赦天下六月丞相屈氂下

獄要斬妻子梟首

鄭氏曰妻作巫蠱夫從坐但要斬也師古曰屈救尾亦坐與貳師

將軍謀立昌邑王。宋祁曰妻子舊本無子字

秋蝗九月反者公孫勇

劉景



胡倩發覺皆伏辜

師古曰倩音子見反

四年春正月行幸東萊臨大海二月丁酉

隕石于雍二

師古曰雍扶風之縣也二者石之數

聲聞四百里

三月上耕于鉅定

服虔曰地名也近東海應劭曰齊國縣也晉灼曰案地理志應

說是也還幸泰山脩封庚寅祀于明堂癸巳

檀石閭夏六月還幸甘泉秋八月辛酉晦

日有蝕之

後元元年

劉放曰按昭紀云辭訟在後二年前皆勿聽治則當但稱後元年也

春

武帝

正月行幸甘泉郊泰畤遂幸安定昌邑王

醇薨二月詔曰朕郊見上帝

師古曰見音胡電反次下光景

並見亦同巡于北邊見羣鶴留止臣不羅罔靡所

獲獻

如淳曰時春也非用群罔時故無所獲也

薦于泰畤光景並見

其赦天下夏六月御史大夫商立成有罪

自殺

師古曰坐於朝中醉而歌

侍中僕射莽何羅與弟重

合侯通謀反

孟康曰征和二年言重合侯馬通今此言莽明德馬右惡其先人有反易姓莽

師古曰莽音莫戶反○宋祁曰案馬亦蒲補反易馬為莽者以二字音同字之聲既不可改故但易其形耳以



是知漢雖馬姓亦謂之姓也侍中駙馬都尉金日磾奉車都

尉霍光騎都尉上官桀討之師古曰磾音丁奚反秋七

月地震往往涌泉出

二年春正月朝諸侯王于甘泉宮賜宗室

二月行幸蓋屋五柞宮晉灼曰蓋屋扶風縣也張晏曰有五柞樹因以

乙丑立皇子弗陵為皇太

子張晏曰昭帝也後但名弗以二名難諱故丁卯帝崩于五柞宮臣瓚

入殯于未央宮前殿三

武帝

月甲申葬茂陵臣瓚曰自崩至葬凡十八日茂陵在長安西北八十里也

贊曰漢承百王之弊高祖撥亂反正文景

務在養民至于稽古禮文之事猶多闕焉

孝武初立卓然罷黜百家師古曰百家謂諸子雜說違背六經表

章六經師古曰六經謂易詩書春秋禮樂也遂疇咨海內舉其俊

茂師古曰疇誰也咨謀也言謀於衆人誰可為事者也與之立功興太學修

郊祀改正朔定歷數師古曰正音之類此協音律

作詩樂建封禪禮百神紹周後號令文章



煥焉可述後嗣得遵洪業而有三代之風

師古曰三代夏殷周

如武帝之雄材大略不改文景之

恭儉巨濟斯民雖詩書所稱何有加焉師古

曰美其雄材大略而非其不恭儉也

右將監本杭本越本及三蜀宋祁諸

本參校其有同異並附于古註之下

### 武帝紀第六

正文柒阡玖伯肆拾陸字  
註文萬壹阡伍伯拾柒字

